



Muv hállame

Månna mujtáb guh lib unnie, gássie vuoras almatjh nalggsin sámien jah guktie sijjan báguoh diejven muv vájmuob.

Nuv leä jimmátjh guktie sámmásh báguoh máhtth vájmuob deävddiet.

Månna mujtáb guh lib nuorra jah tjiđtjie substij suv áhkán bijrra.

Muv tjiđtjie leä guvluos jahtáme gássie ránttjuo leä áhkán gáptieb gájkkuolame:
"Banná ránttjuo áhkán gáptieb gájkkuolij."

Nuv leä jimmátjh guktie daggáreh báguoh máhtth vájmuob deájvvat.

Månna mujtáb guh lib sjaddame jah älggub sámienielub báhkadit.

Bijjielen guektteluhkie jábieh leäh vassáme.

Dan tijiien lin alvies vánieh gieh máhtten sámienielub báhkadit.

Muvsnie lij jimmátjh niehkuo: váddiet jietjájde máb jijtja leäb vuöpttiestame, mijjan bándásvuohta.

Aktan ájgien sámies almatje muññien budij jah jehtij: Mandehťe leä dajna gielpuominne?
Majddie leä vuorránema?

Jus sadnán hálub: Månna leäb gellen ájgien gihtjame dab, majddie leäb vuorránema?

Valla guh skeneh, giella leä muv deájvvame.

Bijkuos leä dán biejevien, návváđ vuorahke máhtťá áđ árvuob áđtjuot.

Månna dan sagga ovvadib gássie ringgen muññien jah substien ahte leäb dán jábien gudnieárvuob uđtjame. Dájna árvuojne ij leäh barra muv jah muv barguob dábddastahtťame, valla návváđ ábba ubmejesámien gielub.

Vuostak sijdub muv fuelkieb giťťiet gieh leäh állásine muv stárjjame, jah bednegh máb dálle áđtjuob sijdub biejjat ruopttijde muv fuölkkiye gieh leäh áđ májsáb mojsame.

Miññieln sijdub muv tjiđtjieb giťťiet gie leä suv vuorkáste vaddáme.

Månna sijdub áđ giťťiet Olavi jah Raili Korhonen gieh leägan dan sagga muv viehkietame jah

munŋien jáhkkáme.

Jah sijjije gieh leäh vaddáme munŋien lievnuos báguojde gássie bargguo leä lussade sijdub gijttiet.

Jiena gijttuo!